

**ESTATUTOS DA ASOCIACIÓN DE NAIS E PAIS DE ALUMNOS "AS BRAÑAS" DO C.E.I.P. DE VENTÍN DE AMES.**



**CAPÍTULO I**

**DENOMINACIÓN, FINS, DOMICILIO, ÁMBITO:**

**Artigo 1º.** Coa denominación ASOCIACIÓN DE NAIS E PAIS DE ALUMNOS "AS BRAÑAS" DO COLEXIO DE INFANTIL E PRIMARIA DE VENTÍN, AMES, constitúese esta asociación ao abeiro da Lei Orgánica 8/1985 do 3 de Xullo, reguladora do Dereito á Educación, e da Lei Orgánica 1/2002 do 22 de Marzo, reguladora do Dereito de Asociación, e demais leis e disposicións complementarias, con capacidade xurídica e plena capacidade de obrar, carecendo de ánimo de lucro.

**Artigo 2º.** Esta Asociación constitúese por tempo indefinido.

**Artigo 3º.** Terá como fins os seguintes:

- a) Asistir aos pais e titores en todo o concernente á educación dos seus fillos e pupilos.
- b) Colaborar nas actividades educativas e extraescolares do Centro.
- c) Promover a participación dos pais dos alumnos na xestión do Centro.
- d) Asistir aos pais dos alumnos no exercicio do seu dereito a intervir no control e xestión do Centro.
- e) Facilitar a representación dos pais de alumnos no Consello Escolar do Centro.
- f) Estimular a participación dos pais dos alumnos na programación xeral do ensino a través dos órganos colexiados correspondentes.
- g) Fomentar as relacións de cooperación do Centro cos outros establecementos escolares e os sectores sociais e culturais do entorno.
- h) Promover a plena realización do principio de gratuidade no ámbito do Centro, así como a efectiva igualdade de dereitos de tódolos alumnos sen discriminación por razóns socioeconómicas, idelóxicas, confesionais, de raza ou de sexo.
- i) Requerir aos poderes públicos o cumprimento das leis, regulamentos e plans de actuación relativos á educación, recabando a atención e axudas que ésta mereza.
- j) Promover actividades formativas, culturais e de estudio.



k) Promover reunións de colaboración de pais con profesores e as boas relacións entre eles.

l) E todos aqueles outros non recollidos nos estatutos e que sexan conformes á lei.

**Artigo 4.** Para o cumprimento destes fins se realizarán, lóxicamente, todas aquelas actividades formativas, culturais ou de estudo necesarias, reunións con tódolos sectores da comunidade educativa, e todas aquelas outras actividades tendentes a cumprir os fins sinalados que sexan conformes á lei e decididas polos órganos competentes.

**Artigo 5. A).** Para a realización das actividades que lle son propias, a Asociación utilizará locais do Centro, e o Director facilitará a integración das devanditas actividades na vida escolar, tendo en conta o normal desenvolvemento da mesma.

B). A efectos da utilización dos locais do Centro a que se refire o apartado anterior será necesaria a previa comunicación da Xunta Directiva da Asociación á Dirección do Centro.

**Artigo 6.** Para o mellor cumprimento dos seus fins esta Asociación intégrase na Federación Provincial de APAS de A Coruña e, conxuntamente con outras APAS, na Confederación Gallega de APAS de Centros Públicos (CONFAPA-GALICIA). Tamén a nivel estatal intégrase na Confederación Española de APAS (CEAPA).

**Artigo 7.** O ámbito da Asociación abranguerá o termo municipal de Ames e fixa o seu domicilio no Colexio de Educación Infantil e Primaria de Ventín, do Concello de Ames, Parroquia de Biduído, A Coruña.


## CAPÍTULO II

### ÓRGANO DE REPRESENTACIÓN

**Artigo 8.** A Asociación estará representada e administrada por una Xunta Directiva formada por:

- Presidente
- Vicepresidente
- Secretario
- Vicesecretario
- Tesoureiro
- Vicetesorero
- Vocais.

Tódolos cargos que compoñan a Xunta Directiva serán gratuitos. Éstos serán designados e revocados pola Asemblea Xeral Ordinaria ou Extraordinaria e o seu



mandato terá unha duración de dous anos, renovándose a partires do segundo ano, cada ano a metade dos membros.

**Artigo 9.** Os membros da Xunta Directiva que teñan esgotado o prazo para o cal foron eleixidos, continuarán ostentando o seus cargos ata o momento en que se produza a designación dos que lles vaian substituir.

**Artigo 10.** A elección dos membros da Xunta Directiva pola correspondente asemblea, será polo procedemento de listas abertas.

**Artigo 11.** A Xunta Directiva eleixirá de entre os seus membros aos cargos correspondentes.

**Artigo 12.** As vacantes que se puideran producir por renuncia voluntaria, comunicada por escrito á Xunta Directiva, ou por incumplimento das obrigas inherentes ao cargo, poderán cubrirse provisionalmente por membros que designe a Xunta Directiva ata que se celebre a primeira reunión da Asemblea Xeral.

**Artigo 13.** A Xunta Directiva reunirase tódolos meses do curso escolar e ademais sempre que sexa convocada polo Presidente. Tamén deberá reunirse a petición dun tercio da totalidade dos seus compoñentes. Quedará válidamente constituída cando asista a metade máis un dos seus membros e, para que os seus acordos sexan válidos, deberán ser tomados pola maioría dos votos dos presentes. En caso de empate, o voto do presidente será de calidade para deixar sen efecto o empate.

**Artigo 14.** As facultades da Xunta Directiva extenderanse, con carácter xeral, a tódolos actos propios dos fins da Asociación, sempre que non requiran, segundo estes Estatutos, autorización expresa da Asemblea Xeral.

Son facultades particulares da Xunta Directiva:

- a) Dirixir as actividades da Asociación e levar a xestión económica e administrativa, acordando realizar os oportunos actos e contratos.
- d) Executar os acordos da Asemblea Xeral.
- c) Formular e someter á aprobación da Asemblea Xeral os balances, contas e programa anual de actividades.
- d) Resolver sobre a admisión de socios se fose necesario.
- e) Nomear delegados para algunha actividade determinada da Asociación.
- f) Calquera outra facultade que non sexa de competencia exclusiva da Asemblea e sexa conforme á Lei.

Handwritten signatures and initials on the left margin, including names like 'Marceles', 'P. S. López', 'R.M.B.V.', and others.



**Artigo 15.** O/A Presidente/a terá as seguintes atribucións: Representar legalmente á Asociación perante toda clase de Organismos Públicos ou privados; convocar, presidir e levantar as sesións que celebre a Asemblea Xeral e a Xunta Directiva, así como dirixir as deliberacións dunha e doutra; ordear pagos e firmar xunto co Administrador-Tesoureiro os libramentos, cheques, etc.; recibir no nome da Asociación calquera cantidade procedente de subvencións de Entidades Públicas ou privadas; autorizar coa súa firma os documentos, actos e correspondencia da Asociación; adoptar calquera medida urxente que a boa marcha da Asociación aconselle, ou no desenrolo das súas actividades resulte necesaria ou convinte, sen perxucio de dar conta posteriormente á Xunta Directiva; asumirá tamén, en todo caso, tódalas facultades que a Lei establece.

**Artigo 16.** O/A Vicepresidente/a será o encargado de substituír ao Presidente en ausencia deste, motivada por enfermidade ou calquera outra causa, e terá as mesmas atribucións que éste. O Presidente poderá delegar no Vicepresidente as súas competencias para a atención ou xestión de asuntos determinados ou un conxunto dos mesmos, previa conformidade da Xunta Directiva.

**Artigo 17.** O/A Secretario/a terá ao seu cargo a Dirección dos traballos meramente administrativos da Asociación, expedirá certificacións, levará os Libros da Asociación legalmente establecidos e o fichero de Asociados e custodiará a documentación da Entidade, facendo que se cursen as comunicacións sobre designación de Xuntas Directivas e demais acordos sociais inscribibles nos correspondentes rexistros, así como a presentación das contas anuais e do programa de actividades e o cumprimento das obrigas documentais, nos termos que legalmente correspondan; ademais velará pola conservación dos locais sociais e gardará o cuño da Asociación.

O/A Vicesecretario/a será o encargado de substituír ó Secretario en ausencia deste, motivada por enfermidade ou calquera outra causa, e terá as mesmas atribucións que éste. O Secretario poderá delegar no Vicesecretario as súas competencias para a atención ou xestión de asuntos determinados ou un conxunto dos mesmos, previa conformidade da Xunta Directiva.

**Artigo 18.** O/A Tesoureiro/a estará encargado de recadar e conservar os fondos e bens da Asociación. Levará o Libro de Caixa e firmará os libramentos de fondos xunto co Presidente; elaborará o proxecto de presuposto que a Xunta Directiva debe presentar perante a Asemblea Xeral e preparará as contas que deban someterse á devandita Asemblea.

O/A Vicetesoreiro/a será o encargado de substituír ao Tesoureiro en ausencia deste, motivada por enfermidade ou calquera outra causa, e terá as mesmas atribucións que éste. O Tesoureiro poderá delegar no Vicetesoreiro as súas competencias para a atención ou xestión de asuntos determinados ou un conxunto dos mesmos, previa conformidade da Xunta Directiva.

**Artigo 19.** Os Vocais terán as obrigas propias do seu cargo como membros da Xunta Directiva e poderán recibir por acordo desta o encargo de presidir ou



coordinar grupos de traballo así como a execución de comisións, representacións e outras tarefas que pola Xunta Directiva lles fosen encomendadas.

**Artigo 20.** A Xunta Directiva poderá establecer as seguintes comisións:

- a) A comisión Permanente, composta pola Presidenta ou Presidente, Vicepresidente/a, Secretario/a e o representante da Asociación no Consello Escolar ou membro nomeado pola Xunta Directiva para tal fin. Esta comisión terá como función dar solución a determinados temas para os que pola súa urgencia non poida ser convocada a Xunta Directiva.
- b) A comisión económica, composta pola Presidenta ou Presidente, Tesoreiro/a, Vicetresoreiro/a. A súa función será a de asistir a Tesoreira.
- c) E calquera outra que se acorde constituir.

**Artigo 21.** As vacantes, que se puideran producir durante o mandato, de calquera dos membros da Xunta Directiva, serán cubertas provisionalmente polos devanditos membros ata a elección definitiva pola Asemblea Xeral.

### CAPÍTULO III

#### ASEMBLEA XERAL

**Artigo 22.** A Asemblea Xeral é o órgano supremo e soberano da Asociación e estará integrada por tódolos socios.

**Artigo 23.** As reunións da Asemblea Xeral serán ordinarias ou extraordinarias. A ordinaria celebrarase obrigatoriamente unha vez ao ano, dentro dos catro meses seguintes ao peche do exercicio e nela propoñerase a aprobación das contas e presupostos e o programa Xeral da actuación social. Tamén nela procederase á elección de membros da Xunta Directiva cando corresponda por imperativo estatutario. As extraordinarias celebraranse cando as circunstancias o aconsellen, a xuízo do Presidente, cando a Xunta Directiva o acorde ou cando o pida ou solicite formalmente por escrito alomenos un tercio dos asociados.

**Artigo 24.** As convocatorias das asembleas xerais realizaranse por escrito expresando o lugar, día e hora da reunión, así como a orde do día con expresión concreta dos asuntos a tratar. Entre a convocatoria e o día sinalado para a celebración da asemblea, en primeira convocatoria, haberán de mediar alomenos 15 días, pudiendo asimesmo facerse constar a data e hora na que se reunirá a asemblea en segunda convocatoria, sen que entre una e outra poida mediar un prazo inferior a media hora.

**Artigo 25.** As asembleas xerais, tanto ordinarias como extraordinarias, quedarán válidamente constituídas en primeira convocatoria cando concorran a elas a



maioría dos asociados, e, en segunda convocatoria, con calquera que sexa o número de asociados presentes.

Os acordos tomaranse por maioría simple das persoas presentes ou representadas, cando os votos afirmativos superen aos negativos, non sendo computables a estes efectos os votos en branco nin as abstencións.

**Artigo 26.** Será necesario o voto favorable dos dous tercios dos asociados presentes na asemblea para adoptar as seguintes decisións:

- a) Nomeamento das Xuntas Directivas.
- b) Disposición ou Enaxenación de Bens.
- c) Solicitud de Declaración de Utilidade Pública da Asociación.
- d) Integración en Federacións.
- e) Modificación Estatutaria.
- f) Disolución da Asociación.

#### CAPÍTULO IV

#### SOCIOS

**Artigo 27.** Poderán ser membros da Asociación todos os pais ou titores, maiores de idade, dos alumnos que cursan estudos no C.E.I.P. de Ventín, Ames.

**Artigo 28.** Serán dereitos dos asociados:

- a) Elexir e ser elexible para tódalas funcións representativas da Asociación.
- b) Ter voz e voto nas reunións da Asociación.
- c) Tomar parte en tódalas actividades da Asociación e utilizar os servizos que se poidan establecer en beneficio dos socios.
- d) Dirixir peticións e propoñer iniciativas aos Órganos de Goberno da Asociación.
- e) Recabar e recibir da Xunta Directiva tanta información precisen sobre a xestión asociativa,
- f) Asistir a tódalas reunións e actos convocados pola Xunta Directiva.
- g) Colaborar activamente no cumprimento dos fins da Asociación e na execución e eficacia dos mesmos.



**Artigo 29** Serán deberes dos socios:

- a) Observar e cumprir os estatutos da Asociación e os acordos da Asemblea.
- b) Contribuír economicamente ao sostemento da Asociación na forma e modo que se estableza na Asemblea Xeral.

**Artigo 30.** Causarase baixa na Asociación:

- a) Por petición do interesado.
- b) Por baixa dos fillos matriculados no Centro.
- c) Por impago das cuotas dun período superior a tres meses e mediando un apercibimento previo da Xunta Directiva.
- d) Por incumplimento dos Estatutos.
- e) Por utilización da Asociación con fins alleos aos específicos da mesma.

Para excluir a calquera socio polas causas dos apartados **d** ou **e** do anterior artigo, deberase abrir un expediente pola Xunta Directiva no que se sinalarán detalladamente os feitos que orixinan a expulsión. Asimesmo deberase escoitar ao propio expedientado, que poderá presentar un prego de descargo alegando o que considere convinte na súa defensa e que se unirá ao expediente que estudiará a Xunta Directiva, antes de propoñer a decisión que considere oportuna. Se optase pola expulsión, deberá presentala na seguinte Asemblea Xeral, que, despois de escoitar á Xunta Directiva e ao socio se o solicitase, tomará unha decisión que será inapelable.

**Artigo 31.** Os recursos económicos para o desenvolvemento dos fins e actividades da asociación serán os seguintes:

- a) As cuotas dos socios periódicas ou extraordinarias que serán determinadas pola Asemblea Xeral a proposta da Xunta Directiva.
- b) As subvencións, legados, herdanzas e donacións que pondera recibir de forma legal e que señan aceptadas tanto que proveñan de persoas físicas ou jurídicas.
- c) Calquera outro recurso de procedencia lícita.

**Artigo 32.** A Asociación carece de patrimonio fundacional. O patrimonio social que se vaia constituindo estará composto por tódolos bens que se adquiran para a realización dos fins sociais. A súa administración correspóndelle a Xunta Directiva.

*Patricio Rodríguez*  
*Leonor Varela*  
*Alfonso*  
*Francisco*  
*Alfonso*  
*M. José Abu*  
*Plan Goring*  
*Rececho*  
*Pilar Segura*  
*R.M.B.V.*



**Artigo 33.** O exercicio asociativo e económico coincidirá co inicio e finalización do curso escolar que fixe a Administración Educativa para cada ano académico.

**CAPÍTULO V  
DISOLUCIÓN**

**Artigo 34** Xeral convocada ao efecto, e por acordo dunha maioría de dous tercios dos asociados.

**Artigo 35.** En caso de disolución nomearase unha comisión liquidadora a cal, unha vez extinguidas as débedas, e se existiese sobrante líquido, destinarao a aquelas entidades sen ánimo de lucro adicadas á realización de fins educativos cun espírito similar ao que anima a esta Asociación, que serán sinaladas na Asemblea Xeral na que se acorde a liquidación.

**DISPOSICIÓN ADICIONAL**

En todo o que non estea previsto nos presentes estatutos, aplicarase a vixente lei orgánica 1/2002 do 22 de marzo, reguladora do Dereito de Asociación, así como a lei orgánica 8/1985 do 3 de Xullo reguladora do Dereito á Educación, e demais disposicións específicas de aplicación provintes da Comunidade Autónoma de Galicia, ou do Dereito Estatal Supletorio en ausencia do autonómico, segundo dispón a Constitución Española.

Dona M<sup>a</sup> Xosé Abuín Álvarez como secretaria da Asociación a que se refiren estes estatutos

CERTIFICA que os presentes estatutos foron modificados para adaptalos ás previsións da lei orgánica 1/2002 do 22 de marzo por acordo da Asemblea Xeral de Socios, de data catro de febreiro de 2004.

En Ventín a, 4 de Febreiro de 2004

Asdo.:

M<sup>a</sup> Xosé Abuín Álvarez  
Secretaria

V<sup>a</sup> Pr.

Mercedes Blanco Villar  
Presidenta

**INSCRIPCIÓN DE MODIFICACIÓN  
ASOCIACIÓN Nº 1574/11**

Inscrita a modificación por resolución do de 20 de 04  
de 20 de 04  
ós sos efectos de publicidade de conformidade co artigo 8 da constitución e artigo 16 da L.O. 1/2002.

8

A XEFA DO SERVIZO

